

Énnúkún anénépékún émén me émén aramas

I. Wewen ei fóós Equity:

Chóóchóón an Vancouver Public Schools ewe board a féri ruu awewen ei kapas *Equity*: anénépék me enenia (apachanong). Namwoten an epwe wor anénépék nefinen meinisin, pwún epwe pwénúetá an aramas sukkun me epwe pwan torir manaúen tufich. Namwoten ach apachanong iká (enenia) meinisin, pwún aramas repwe tongeni fiti ekkewe prokramin sukkun mei aúchea, angei áninis, fiti an sukkun kewe mettóch e fiis me mwen me mwúrin sukkun, me néúnéú pisekin technology (kamputer, iPad me pwan ekkóch me núkkún).

II. Met ei Kinikinin Sukkun E Pwónei Pwe Epwe Féri:

- A. Vancouver Public Schools mei pwón an epwe awora anénépék nón sukkun me an epwe awora sukkun ngeni meinisin chóón sukkun pwún repwe mwonengeni college, ar angang me manaúer. Epwe pwan amwona meinisin chóón sukkun ar repwe fetánéóch me tufich nein sókopaten aramas ir mei sókonó senir nón neniach, nón unusen Merika me fen nón unusen fénúfan.
- B. Ei kinikinin sukkun mei pwan pwon an epwe awora anénépékún aramas pwún sisapw féranó iká epwe ifa ussun mwúrimwúrin an en chóón sukkun káéo seni ach nenengeni nikinikin me énúen inisir, ian iká meni chóó re etto seni, tufichin en famini, ar soun mwékút fetán, kapasen ian re póróus fengen nón, nónómwun ar famini, iká pwe ir emén met, ión ra finatá repwe nomwongeni me chiechi ngeni, iká pwe emén met ra finatá pwe repwe nómw wón (winiti), iká pwe ir mei ter me mwék, ar namanam, me kéúkún ar sine me akkomw. Ei pwon mei pwan wewe ngeni ach sipwe etiwa me épwúngú pwún a men sókopat chóón sukkun me aramas nón neniach iwe sipwe ochurenong (pacherenong) nón ach káéo me ar repwe fiti nónómwún nón ach sukkun.
- C. Ei *Board* mei kúna pwe an aramas osukosuk ikenái me masowen nón uruwo, ikkei met mei pwan awora an esapw wor anénépék iká an epwe wor eimwumwu nefinen aramas me nón sukkun. Ei *Board* a pwon pwe nón úkkúkkún an ei kinikin sukkun tongeni, epwe anganga an esapw wor eimwumwu nón sukkun me sisapw ósókofeseni uwan an chóón sukkun káéo
- D. Kich mei núkú pwún mei wor an meinisin chóón sukkun pwúng an epwe nénépék ar káéo me sukkun ngeni meinisin chóón nón *Vancouver Public Schools*. Kich mei pwan núkú pwún wisach chóón nón ach kei sukkun tori ewe *Board*, meinappen ach ei kinikin, chóón angangan ach ei kinikin, famini me unusen meinisin chóón nón neniach ach sipwe ánisi tufichin chóón sukkun me awora anénépék nón ar sukkun. Ach ei kinikin mei fetán nón an núkúnúk pwe ei angangen anénépék nón sukkun epwe otufichi en chóón sukkun iwe mwúrimwúrin epwe otufichi meinisin aramasen nón neniach. Kich mei kémwéchúnúk wón ei ekkiek pwe angangen anénépékún aramas nón sukkun mei napeseni ach sipwe chék anénépékú émén me émén chóón sukkun nge sipwe pwan ámári ew nenien sukkun iká káéo ikkewe ian epwe wor áninis ngeni meinisin chóón sukkun me ian me uwan ar tufich epwe pwan nénépék ngeni meinisin. Iei minne, *Vancouver Public Schools*, epwe achocho ne awora ew nenien káéo ngeni chóón sukkun ikkewe repwe kúna feióch me tufich, epwe wor anénépékún aramas, me pwúngúnó pwe mei sókopat sókkun aramas nón.
- E. Fániten an epwe pwénúwetá me sópwósópwenó an epwe wor anénépékún émén me émén chóón sukkun, ewe *Board of Directors* nón ach ei *Vancouver Public Schools* a pwónei an epwe:
1. Awora an ei kinikin kewe prokram epwe nénépék ngeni meinisin chóón sukkun;
 2. Férun énnúk nón ekkar ráán mwach epwe etto seni anénépékún aramas;
 3. Repwe aia ekkewe pekin osukun mei wor pisekin pwáratá pwe mei éóch ngeni meinisin iwe mei pwan awatenó ne eriri fengeni chómwóng sókkún éreni;
 4. Ach áneán me mochen pwe epwe sakópat chóón angang me sipwe pwan aia ach tufich ne awatenó, anomwatiw, me sópwenó ne épéchékúna an epwe sókopat chóón angang;
 5. Inetéóchún áninis ngeni meinisin chóón sukkun, asókofeseni pekin áninis epwe nó ngeni ekkewe sukkun mei weires an epwe torir áninis, nóchei ekkewe chóón sukkun ir mei nómw nón manaúen osupwang me nóchei áninis ngeni ekkewe chóón sukkun mei nafangaw ngenir áninis pwe

repwe fetánéoch nón ar káeó;

6. Katon me nenengeni an ei kinikin angang pwún sipwe anapanó ne apachanong (enenia) meinisin me awora anénépék an meinisin repwe tufichin fiti sukkun
7. Epwe wor tupwun chóon sukkun nón ekkewe prokram ir mei tongeni fini ar repwe fiti.
8. Apachatá ekkóch angangen en sukkun epwe ánsi nónómwéochún me kinamwein nón sukkun; epwe kapachenong ach sipwe ékúkúnanói ekewe angangen epwúngú chóon sukkun mei sókónó ika núnó pokiten ii chóon ew fenu ika mwichen aramas
9. Anapanó ne angei mefien famini/aramasan nón neniach, mefian ekkewe mei weires an epwe torir pekin ánis me ekkewe rese tikenong (ir mei soun tiweu) seni ánis
10. Nengeni me katonéochú meinisin ach kei angangen anénépékún emén me emén chóon sukkun me nón ekkewe repot a kawor iteiten kwatér (e kawor iteiten mwúrin únúngát maram), nukanpan en ier sipwe pwan katon mtet ekkewe a tawe, me pwan katon ekkewe póróus a feito seni ach angangen épwúngú chóon sukkun atun ar atai énnúkkún sukkun; me
11. Angei mefian sókopaten chóon sukkun ren an chóon sukkun osukosuk mei etto seni an ese wor nénépék nón ar sukkun iká káeó.

III. Kókkótún ewe Angang Sipwe Féri

Ewe board a ngeni ewe meinnapen ei kinikin sukkun (superintendent) an epwe féri kókkótun angang minne epwe ánsi ach sipwe kúna iká a tiik ian ach kewe angang ren met ekkewe sia áneáne me pwonei an epwe fiis.

- A. An Chóon Sukkun Káeó: Anapanó ánisin káeó me anen an epwe wattenó an chóon sukkun káeó.
- B. Nónómwun me Manaúen nón ar Nenien Káeó: Anapanó an chóon sukkun me chóon angang repwe mefi neniéoch.
- C. Émwékútú angangen ekkewe pekin ánis: Anganga ekkewe pekin ánis chóon sukkun repwe úri namwotan pwe epwe pwánó pwe mei wor anénépékún chóon sukkun
- D. Awora masowen met repwe ani osukun me ekkewe sókkun osukun mei pwá pwe mei mwúriné: Anapanó an chóon sukkun pekin káeó nón an epwe wor wewefengen me riri fengen ren éóréní.
- E. Sipwe nenengeni an epwe wor anénépékún aramas (equity lens) nón mettóch meinisin si féri: Sipwe nenengeni an epwe wor anénépékún meinisin aramas nupwen epwe wor ekkesiwin sipwe féri ngeni énnúk iká epwe wor minafén énnúk epwe tonong.
- F. Chóon angang: Sipwe kúúta me anómwatiw néúch chóon angang ir mei féri wiiser mei fiti éúrúren nón ach ei kinikin ren an epwe wor anénépékún meinisin aramas me met si áneáne an epwe fiis.

IV. Nengeni me katonéochú met ekkewe sia féri

Ewe meinnapen ei kinikin (*superintendent*) iká ión a finitá epwe wiisen awora repót iteiten mwúrin rúwánú maram (*quarter*) me repót iteiten ier ngeni ewe *board* ren poróusen angangen ei énnúk. Ewe *board* epwe nengénéchu masowen ewe repot e tou iteiten mwúrin rúwánú maram (*quarter*) ar repwe sinei met ekkewe ra féri me awora ar kapasen éúrú. Ewe *board* epwe pwan katón sefán ei énnuk iteiten ier me ekkesiwini iká epwe wor ekkesiwin epwe aúchea me namwot.

Adopted: February 8, 2022

VPS

